



**O'ZBEKISTON RESPUBLIKASI QISHLOQ XO'JALIGI VAZIRLIGI
HUZURIDAGI AGROSANOAT MAJMU'I USTIDAN NAZORAT
QILISH INSPEKSIYASI BOSHIG'INING
BUYRUG'I**

2023-yil «27» aprel

S-4-23

O'zbekiston Respublikasi Qishloq xo'jaligi vazirligi huzuridagi Agrosanoat majmui ustidan nazorat qilish inspeksiyasi nazorati ostidagi obyektlarida Inspeksiya vakolatiga taalluqli ishlarga, hususan qishloq va suv xo'jaligi sohasiga oid qonunbuzilish xavfini tahlil etish tizimini joriy etish tartibi to'g'risidagi Nizomni tasdiqlash haqida

O'zbekiston Respublikasi Vazirlar Mahkamasining 2022-yil 19-oktabrdagi "Nazorat qiluvchi organlar tomonidan tadbirkorlik subyektlari faoliyatida davlat nazoratini tashkil etish bo'yicha qo'shimcha chora-tadbirlar to'g'risida"gi 611-sonli qaroriga muvofiq

BUYURAMAN

1. Qishloq xo'jaligi vazirligi huzuridagi Agrosanoat majmui ustidan nazorat qilish inspeksiyasi nazorati ostidagi obyektlarida Inspeksiya vakolatiga taalluqli ishlarga, hususan qishloq va suv xo'jaligi sohasiga oid qonunbuzilish xavfini tahlil etish tizimini joriy etish tartibi to'g'risidagi Nizom ilovaga muvofiq tasdiqlansin.

2. Matbuot kotibi (Shadiyeva) Axborot tahlil, ijro intizomi va ma'muriy amaliyot boshqarmasi (Yuldoshev) va hududiy boshqarmalar bilan birgalikda mazkur Nizomning mazmun-mohiyatini Inspeksiya barcha xodimlariga hamda keng jamoatchilikka yetkazilishini ta'minlasin.

3. "O'zagroinspeksiya" boshlig'ining 2020-yil 24-yanvardagi S2-sonli buyrug'i o'z kuchini yo'qotgan deb hisoblansin.

4. Mazkur buyruq ijrosi ustidan nazorat Inspeksiya boshlig'ining birinchi o'rinbosari (Rasulov) zimmasiga yuklansin.

Boshliq
Toshkent sh.

A.Vaxabov

Қишлоқ хўжалиги вазирлиги ҳузуридаги
Агросаноат мажмуи устидан назорат қилиш
инспекцияси бошлиғининг
2023 йил “27” апрель даги
8-4-23- сонли буйруғига
ИЛОВА

Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекцияси назорати остидаги объектларида Инспекция ваколатига тааллуқли ишларга, хусусан қишлоқ ва сув хўжалиги соҳасига оид қонунбузилиш хавфини таҳлил этиш тизимини жорий этиш тартиби тўғрисидаги
НИЗОМ

Мазкур Низом Ўзбекистон Республикаси Вазирлар Маҳкамасининг 2022 йил 19 октябрдаги 611-сонли “Назорат қилувчи органлар томонидан тадбиркорлик субъектлари фаолиятида давлат назоратини ташкил этиш бўйича қўшимча чора-тадбирлар тўғрисида”ги қарори талаблари асосида ишлаб чиқилган бўлиб, Қишлоқ хўжалиги Вазирлиги ҳузуридаги Агросаноат мажмуи устидан назорат қилиш инспекцияси (бундан буён матнда – “Ўзагроинспекция” деб юритилади) назорати остидаги объектларида Инспекция ваколатига тааллуқли ишларга, хусусан қишлоқ ва сув хўжалиги соҳасига оид қонунбузилиш хавфини таҳлил этиш тизимини жорий этиш тартибини белгилайди.

1 боб. Умумий қоидалар

1. Мазкур Низомда қуйидаги асосий тушунчалардан фойдаланилади:
ваколатли орган — Ўзбекистон Республикаси Президенти ҳузуридаги Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил;

Давлат назорати тизими — тадбиркорлик соҳасида давлат назорати билан боғлиқ катта ҳажмдаги маълумотларни йиғиш, таҳлил қилиш ва қайта ишлаш имконини берувчи «Ягона давлат назорати» ахборот тизими;

назорат қилувчи орган — тадбиркорлик субъектлари фаолиятини давлат томонидан назорат қилишга қонунчилик билан ваколат берилган вазирлик, идора, уларнинг тизимидаги бўлинмалар ва бошқа ташкилотлар;

назорат қилувчи орган мансабдор шахси — вақтинча ёки махсус ваколат бўйича тадбиркорлик субъекти фаолиятини назорат қилувчи, тадбиркорлик субъектида юридик аҳамиятга эга ҳаракатларни содир этувчи ҳамда маъмурий ёки суд органларида мазкур вазифаларни амалга оширувчи шахс;

тадбиркорлик субъекти — белгиланган тартибда давлат рўйхатидан ўтган ҳамда тадбиркорлик фаолиятини амалга ошираётган юридик ва жисмоний шахслар;

текширув — тадбиркорлик субъекти томонидан фаолиятни тартибга солувчи қонунчиликка қай даражада риоя этилаётганлигини керакли

материаллар, ҳужжатлар ёки уларнинг фаолиятига доир маълумотларни олиш ҳамда муайян ҳаракатларни амалга ошириш орқали ўтказиладиган назорат қилиш тадбири;

«хавфни таҳлил этиш» тизими — назорат қилувчи органлар томонидан тегишли назорат соҳаси бўйича аниқ мезонларга асосланиб, тадбиркорлик субъекти томонидан ўз фаолиятида қонунчилик бузилиш хавфи даражасини аниқлаш механизми.

2. Ишлаб чиқилган «хавфни таҳлил этиш» тизими асосида аниқланган ҳуқуқбузарлик хавфи қай даражада бўлишидан қатъи назар, тадбиркорлик субъектига нисбатан таъсир чораларини қўллашга асос бўла олмайди.

3. Хавф даражаси таҳлили жараёнида тадбиркорлик субъектидан ҳужжатлар ва ахборотлар талаб қилинишига йўл қўйилмайди.

4. Хавф даражаси таҳлили “Ўзагроинспекция”нинг назорат ваколати доирасида фаолият кўрсатувчи камида 10 та тадбиркорлик субъектида ўтказилади.

5. Хавф даражаси таҳлили Инспекция томонидан бир йилда камида бир маротаба амалга оширилади.

6. “Ўзагроинспекция”нинг назорат ваколатига кирмайдиган тадбиркорлик субъекти фаолиятини таҳлил қилиш ва баҳолаш тақиқланади.

7. «Хавфни таҳлил этиш» тизими, ҳуқуқбузарлик содир этиш хавфи даражасидан қатъи назар, тадбиркорлик субъекти фаолиятида ўтказиладиган барча текширувларни «Ягона давлат назорати» ахборот тизимида рўйхатдан ўтказиш орқали ваколатли орган билан келишилган ёки хабардор этган ҳолда ўтказилишини назарда тутиши лозим.

8. “Ўзагроинспекция” тизимида мавжуд ички ҳамда жисмоний ва юридик шахсларнинг қонун ҳужжатлари бузилиши ҳолатлари ҳақидаги мурожаатлари шу жумладан оммавий ахборот воситаларидан ёки бошқа ташқи манбалардан (ижтимоий тармоқлар, веб-сайтлар) олинган ахборотлар, маъмурий маълумотлар (лицензия, рухсат этувчи ва давлат органларида мавжуд бошқа ҳужжатлар), даврий статистика маълумотлари, жумладан, аввал ҳуқуқбузарлик ҳолатлари аниқланган тадбиркорлик субъектини умумлаштирувчи белгилар, хабарлар ва бошқа корреляцион таҳлил натижалари, юридик ва жисмоний шахслардан келиб тушган мурожаатлар, назорат хариди натижалари асосида аниқланган камчиликларнинг таҳлили, қонунчиликда тақиқланмаган бошқа манбалардан ва тадбиркорлик субъектининг одатий фаолиятига бевосита ёки билвосита таъсир кўрсатмаган ҳолда, давлат органлари ва бошқа ташкилотлардан олинishi мумкин бўлган бошқа маълумотларга асосан тадбиркорлик субъектининг қонунбузилиш ҳолатлари таҳлил қилинади.

Бунда жисмоний ва юридик шахслар мурожаатларининг аноним эмаслиги ҳамда текширув ўтказилиши режалаштирилаётган тадбиркорлик субъектининг амалда фаолият кўрсатаётганлиги, “Ўзагроинспекция” ходимлари томонидан дастлаб ўрганиб чиқилиши лозим.

9. Хавф даражасини баҳолаш ўрганиладиган маълумотлар асосида шакллантирилган кўрсаткичлар ва мезонларга тадбиркорлик субъекти фаолиятининг мувофиқлигини «балл» тизими асосида (1-иловага мувофиқ) баҳолаш орқали амалга оширилади.

2-боб. Тадбиркорлик субъекти фаолиятида ҳуқуқбузарлик аломатлари ҳақида хабар берувчи баҳолаш мезонлари

10. Ҳар бир асосий кўрсаткичнинг баҳоси ушбу кўрсаткич остидаги суб-кўрсаткичлар баҳосининг йиғиндисидан келиб чиқади.

11. Ҳар бир асосий кўрсаткичларнинг баҳоси ушбу кўрсаткичларнинг муҳимлик даражасидан келиб чиққан ҳолда бир-биридан фарқ қилиши мумкин.

12. Асосий кўрсаткичлар баллари йиғиндиси ва суб-кўрсаткичлар баллари 3-иловага мувофиқ шакллантирилади.

3-боб. Хавф даражалари таснифи

13. Амалга оширилган баҳолаш натижасида аниқланган хавф даражасининг умумий баллари асосида тадбиркорлик субъекти томонидан ҳуқуқбузарлик содир этиш хавфи қуйидаги уч хил тоифага таснифланади:

хавфи юқори — баҳоланган барча тадбиркорлик субъекти баллари умумий йиғиндисининг 20 фоиз қисмини ташкил этувчи энг юқори хавф даражаси балларига эга бўлган тадбиркорлик субъектлари;

хавфи ўртача — баҳоланган барча тадбиркорлик субъекти баллари умумий йиғиндисининг хавфи юқори бўлган 20 фоиз қисмини истисно этган ҳолда, 50 фоиз қисмини ташкил этувчи энг юқори хавф даражаси балларига эга бўлган тадбиркорлик субъектлари;

хавфи паст — баҳоланган тадбиркорлик субъектининг хавф даражаси баллари паст бўлган қолган тадбиркорлик субъектлари.

4-боб. Таснифланган хавф даражалари доирасида амалга ошириладиган тадбирлар

14. Баҳолаш натижаларига мувофиқ ҳуқуқбузарлик хавфи юқори ва ўрта таснифидаги тадбиркорлик субъектида қонун бузилиш ҳолатларининг олдини олишга қаратилган профилактика тадбирлари ўтказилади.

15. Текширув ўтказишга ташаббус билан чиқиш фақат ҳуқуқбузарлик хавфи юқори таснифидаги тадбиркорлик субъекти доирасида профилактика тадбирлари ўтказилгандан сўнг ҳам ҳуқуқбузарлик содир этиш аломатлари ижобий томонга ўзгармаган ҳолатлардагина амалга оширилади.

16. Ҳуқуқбузарлик содир этиш хавфи юқори таснифидаги тадбиркорлик субъектида профилактика тадбирларини ўтказмасдан ва уларнинг натижасини кутмасдан қуйидаги ҳолатлар доирасида тадбиркорлик субъектида текширув ўтказиш ташаббуси билан чиқиш мумкин:

инсон ҳаёти ва соғлиғига зарар етказилишининг юқори хавфи мавжуд бўлган;

жамоат хавфсизлигига зарар етказиш хавфининг олдини олиш учун кечиктириб бўлмайдиган ҳолатлар;

атроф муҳитга жиддий зарар етказиши мумкин бўлган ҳолатлар аниқланганда;

жисмоний ва юридик шахслар, давлат органлари ва бошқа ташкилотларга моддий зарар етказилаётганлиги ҳолатлари аниқланганда;

текширувлар ўтказилишини назарда тутувчи Ўзбекистон Республикаси Олий Мажлиси, Ўзбекистон Республикаси Президенти, Ўзбекистон Республикаси Президенти Администрацияси ва Вазирлар Маҳкамасининг топшириқлари мавжуд бўлганда;

17. Ҳуқуқбузарлик содир этиш хавфи ўртача таснифидаги тадбиркорлик субъектида қонун бузилиши ҳолатларига йўл қўймасликка қаратилган профилактика тадбирлари ўтказилади ва тегишли чора-тадбирлар белгилаб берилади. Кейинги давр учун баҳолаш натижаларига кўра, тадбиркорлик субъекти фаолиятини баҳолаш натижасида салбий ўзгариш кузатилганда, тадбиркорлик субъекти фаолиятини текшириш бўйича ташаббуси билан чиқиш мумкин.

18. Ҳуқуқбузарлик содир этиш хавфи паст таснифидаги тадбиркорлик субъекти фаолиятига ҳар қандай аралашувларга йўл қўйилмайди.

19. Тадбиркорлик субъектида текшириш ўтказилгандан кейин ушбу тадбиркорлик субъектининг хавфни таҳлил қилиш тизимига асосан баҳоланган баллар йиғиндиси янгиланади. Қонун бузилиши ҳолатларига йўл қўймасликка қаратилган профилактика тадбирлари ўтказилгандан сўнг ҳуқуқбузарлик содир этиш аломатлари бартараф этилиб, бу ҳақида назорат қилувчи орган хабардор қилинганда, ушбу тадбиркорлик субъектининг камчилик бартараф қилинган қисми бўйича баллари янгиланади.

5-боб. Якуний қондалар

20. Мазкур Низом талаблари бузилишида айбдор бўлган шахслар қонун ҳужжатларида белгиланган тартибда жавобгар бўладилар.

21. Мазкур Низомнинг 3-илоvasи “Ўзагроинспекция” ташаббуси билан ваколатли органлар билан келишилган ҳолда ўзгартириш ва қўшимчалар киритилади (Низомни қайта ишлаб чиқиш талаб қилинмайди).

22. «Ягона давлат назорати» ахборот тизимига юкланадиган ҳар бир тадбиркорлик субъекти кесимида аниқланган хавф даражаларини аниқ кўрсатган ҳолда (2-иловага мувофиқ) маълумотнома тузилади.

23. “Ўзагроинспекция” ваколатига тааллуқли ишларга, хусусан қишлоқ ва сув хўжалиги соҳасига оид ҳуқуқбузарлик содир этиш хавфни таҳлил этиш натижаларидан норози бўлган шахслар қонунда белгиланган тартибда юқори турувчи органга ёки судга шикоят қилишга ҳақли.

24. Ушбу Низом Ўзбекистон Республикаси Президенти ҳузуридаги Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил ва Ўзбекистон Республикаси Савдо-саноат Палатаси билан келишилган.

**Ўзбекистон Республикаси
Президенти ҳузуридаги
Тадбиркорлик
субъектларининг
ҳуқуқлари ва қонуний
манфаатларини ҳимоя
қилиш бўйича вакил**

“ ” 2023 йил



**Ўзбекистон Республикаси
Савдо-саноат Палатаси
раиси**

“ ” 2023 йил



Қишлоқ ва сув хўжалиги соҳасидаги қонунчилик талабларига риоя этилишига оид қонунбузилиш хавфини таҳлил этиш тизимини жорий этиш тартиби тўғрисидаги Низомга
1-ИЛОВА

Қишлоқ ва сув хўжалиги соҳасидаги қонунчилик талабларига риоя этилишига оид ҳуқуқбузарлик содир этиш хавфи мавжуд бўлган тадбиркорлик субъектлари рўйхатини шакллантириш Жадвали*

№	Қишлоқ ва сув хўжалиги соҳасидаги қонунчилик талабларига риоя этилиши юзасидан таҳлил ўтказиладиган тадбиркорлик субъектининг номи	Тадбиркорлик субъекти фаолиятида ҳуқуқбузарлик аломатлари ҳақида хабар берувчи баҳолаш мезонлари асосий кўрсаткичлари**						Таҳлил натижаси бўйича жами баллар йиғиндиси
		Қишлоқ хўжалиги экинлари уруғларининг етиштирилишига оид қонун ҳужжатлари бўйича (балл)	Пахта хом ашёси, дон уруғлар ва уни қайта ишлашдан олинган маҳсулотлардан фойдаланишга оид қонун ҳужжатлари бўйича (балл)	Қишлоқ хўжалигига мўлжалланган сув ресурсларидан фойдаланишига оид қонун ҳужжатлари бўйича (балл)	Қишлоқ хўжалигида агротехник тадбирлар ўтказилишига оид қонун ҳужжатлари бўйича (балл)	Техника ҳолатини назорат қилишга оид қонун ҳужжатлари бўйича (балл)	Чорвачиликда наслчиликка оид қонун ҳужжатлари бўйича (балл)	
		I	II	III	IV	V	VI	
1	2	3	4	5	6	7	8	
1								
2								

Тузилма номи ва лавозими

Ф.И.О

Қишлоқ хўжалиги вазирлиги ҳузуридаги
Агросаноат мажмуи устидан назорат қилиш
инспекцияси назорати остидаги объектларида
Инспекция ваколатига тааллуқли ишларга,
хусусан қишлоқ ва сув хўжалиги соҳасига оид
ўтказилган текширишлар вақтида
текширилаётган субъектларда хавфини таҳлил
этиш тизимини жорий этиш тартиби тўғрисидаги
Низомга 2-ИЛОВА

**“Ўзагроинспекция” ваколатига тааллуқли ишларга, хусусан, қишлоқ ва сув
хўжалиги соҳасига оид қонунбузилиш хавфини таҳлил этиш тизимига киритилган
тадбиркорлик субъектлари хавф даражалари тўғрисидаги
МАЪЛУМОТНОМА**

“Ўзагроинспекция” ходими (Ф.И.О) томонидан “Инспекция назорати остидаги
объектларда қишлоқ ва сув хўжалигига оид қонунлар, Ўзбекистон Республикаси
Президенти фармонлари ва қарорлари ҳамда Ҳукумат қарорларида белгиланган талаблар
ва қоидаларнинг ўз вақтида ва тўлиқ бажарилишига оид қонунбузилиш хавфини таҳлил
этиш тизимини жорий этиш тартиби тўғрисида”ги низомга асосан (тадбиркорлик
субъекти номи *СТИР рақами*) тадбиркорлик субъектида қонунбузилиш хавфи таҳлили
ўтказилди.

Мазкур Низомга мувофиқ тадбиркорлик субъекти фаолиятида ҳуқуқбузарлик
аломатлари ҳақида хабар берувчи баҳолаш мезонлари бўйича ўтказилган таҳлил
натijasига кўра тадбиркорлик субъекти (*тўпланган балл кўрсатилади*) баллик
кўрсаткичига эга бўлди.

Ўтказилган таҳлил натижасида Низомнинг (*Низомнинг қайси бандлари бузилганлиги
кўрсатилади*) бандлари бузилганлиги ва (*талаблари бузилган норматив ҳужжатлар
кўрсатилади*) норматив ҳужжатлар талабларига риоя қилинмаганлиги аниқланди.

Баҳолаш натижаларига мувофиқ ҳуқуқбузарлик хавфи юқори таснифидаги
тадбиркорлик субъектида қонун бузилиш ҳолатларининг олдини олишга қаратилган
профилактика тадбирлари ўтказилди.

(*тадбиркорлик субъекти номи СТИР рақами*)да профилактика тадбирлари
ўтказилгандан сўнг ҳам ҳуқуқбузарлик содир этиш аломатлари ижобий томонга
ўзгармаганлигини инобатга олган ҳолда мазкур тадбиркорлик субъектида текшириш
ўтказилиши мақсадга мувофиқ деб ҳисоблайман.

Малумот учун:

Мазкур Низомнинг 16-бандида келтирилган ҳолатлар мавжуд бўлганда юқоридаги
банд қуйидаги таҳрирда киритилади.

“(тадбиркорлик субъекти номи *СТИР рақами*)да Мазкур Низомнинг
16-бандида келтирилган ҳолатлар (*ҳолат номи ва қисқача таснифи келтирилади*)
мавжуд бўлганлиги сабабли профилактика тадбирлари ўтказмасдан ва уларнинг
натижасини қутмасдан мазкур тадбиркорлик субъектида текшириш ўтказилиши
мақсадга мувофиқ деб ҳисоблайман.”

Таҳлил ўтказган ҳодим
(*Лавозими*)

имзо

Ф.И.О.

сана

Қишлоқ ва сув хўжалиги соҳасидаги қонунчилик
талабларига риоя этилишига оид қонунбузилиш
хавфини таҳлил этиш тизимини жорий этиш
тартиби тўғрисидаги Низомга
3-ИЛОВА

**Баҳолаш жараёнида тадбиркорлик субъекти фаолиятида ҳуқуқбузарлик аломатлари
мавжуд бўладиган кўрсаткичлар ва суб-кўрсаткичлар**

T/p	Кўрсаткичлар ва суб-кўрсаткичлар	Балл
1	Қишлоқ хўжалиги экинлари навларини жойлаштириш, уруғчилик хўжаликларини аниқлаш, навларининг генетик софлиги, уруғликларни етиштириш, қабул қилиш, сақлаш, қайта ишлаш, реализацияси ва улардан фойдаланиш ҳамда аккредитация соҳасига мувофиқ уруғлар ва кўчат материалларини сертификатлаштириш оид қонун ҳужжатлари бўйича.	200
1.1	“Уруғчилик тўғрисида”ги Ўзбекистон Республикаси қонун ҳужжатлари талаблари бузилиши	20
1.2	Вазирлар Маҳкамасининг 13.10.2021 йилдаги 641-сонли қарор билан тасдиқланган “Қишлоқ хўжалиги экинлари уруғчилигига оид айрим норматив-ҳуқуқий ҳужжатларни тасдиқлаш тўғрисида”ги низомлар талаблари бузилиши.	20
1.3	Ўзбекистон Республикаси Президентининг 27.04.2018 йилдаги ПҚ-3683-сонли “Ўзбекистон республикасида уруғчилик тизимини тубдан такомиллаштириш чора-тадбирлари тўғрисида”ги қарор талаблари бузилиши.	20
1.4	Ўзбекистон Республикаси Президентининг 28.01.2022 йилдаги ПҚ-106-сонли “Қишлоқ хўжалиги экинлари уруғчилигини янада ривожлантириш бўйича кўшимча чора-тадбирлар тўғрисида” ги қарор талаблари бузилиши.	20
1.5	Ўзбекистон Республикаси Президентининг 07.05.2020 йилдаги “Республикада картошка етиштиришни кенгайтириш ва уруғчилигини янада ривожлантириш чора-тадбирлари тўғрисида”ги ПҚ-4704-сонли қарор талаблари бузилиши.	20
1.6	Вазирлар Маҳкамасининг 18.12.2019 йилдаги 1012-сонли қарор билан тасдиқланган “Иқтисодий жиҳатдан самарасиз, кам ҳосил берадиган боғ ва токзорларни яроқсиз деб топиш тартиби тўғрисида”ги низом талаблари бузилиши.	20
1.7	Вазирлар Маҳкамасининг 11.06.2022 йилдаги 327-сонли қарор билан тасдиқланган “Узумчилик, боғдорчилик, иссиқхона хўжаликларини юритувчи ва виночилик маҳсулотларини ишлаб чиқарувчи субъектларни давлат томонидан молиявий қўллаб-қувватлаш чора-тадбирлари тўғрисида”ги низомлар талаблари бузилиши.	20
1.8	Вазирлар Маҳкамасининг 14.05.2020 йилдаги 282-сонли “Қишлоқ хўжалиги экинлари навларини синаш маркази фаолиятини такомиллаштириш, қишлоқ хўжалиги ўсимликларни турларининг Миллий генбанкни яратиш тўғрисида”ги қарор талаблари бузилиши.	20
1.9	Ўзбекистон Республикаси Президентининг 02.02.2021 йилдаги ПҚ-4973 сонли “Шоли етиштиришни янада ривожлантириш чора-тадбирлари тўғрисида” қарор талаблари бузилиши.	20
1.10	Қишлоқ хўжалик экинлари уруғлари. Навдорлик ва экиш сифатлари Техникавий шартлар O'z DSt 2823, Уруғлик чигит техник шартлари O'z DSt 663, Саженьцы семечковых и косточковый плодов культур общие технические условия O'z DSt 1192, Картофель семенной, Картофель семенной технические условия и методы определения качества ГОСТ 33996, Қишлоқ хўжалик экинларнинг мажбурий талабларининг бузилиши.	20
2	Пахта хом ашёси, дон уруғлар ва уни қайта ишлашдан олинган маҳсулотлардан фойдаланишга оид қонун ҳужжатлари бўйича.	100

2.1.	Вазирлар Маҳкамасининг 25.05.2006 йилдаги 95-сон қарори билан тасдиқланган “Дон ва донни қайта ишлаш маҳсулотлари ҳисобини юритиш тизимини такомиллаштиришга, уларнинг сақланиши устидан назоратни кучайтиришга доир қўшимча чора-тадбирлар тўғрисида” Низом талаблари бузилиши	10
2.2.	Вазирлар Маҳкамасининг 31.03.2016 йилдаги 99-сонли “Дон хавфсизлиги тўғрисидаги умумий техник регламентни тасдиқлаш ҳақида” қарори талаблари бузилиши	10
2.3.	Ўзбекистон Республикаси Президентининг 14.12.2017 йилдаги “Тўқимачилик ва тикув-трикотаж саноатини жадал ривожлантириш чора-тадбирлари тўғрисида” ПФ-5285-сон Фармони талаблари бузилиши	10
2.4.	Ўзбекистон Республикаси Президентининг 17.01.2018 йилдаги “Мамлакат иқтисодиётининг тармоқларини талаб юқори бўлган маҳсулот ва хом ашё турлари билан барқарор таъминлаш чора-тадбирлари тўғрисида” ПҚ-3479-сон қарори 2-банди (Ўзбекистон Республикаси Президентининг 07.10.2020 йилдаги ПФ-6094-сон Фармони билан янги таҳрирда баён этилган)	10
2.5.	Вазирлар Маҳкамасининг 12.07.2019 йилдаги 575-сон қарори билан тасдиқланган “Ўзбекистон Республикаси Вазирлар Маҳкамаси ҳузуридаги Агросаноат мажмуи устидан назорат қилиш инспекцияси фаолиятини тартибга солувчи норматив-ҳукукий ҳужжатларни тасдиқлаш тўғрисида” Низом талаблари бузилиши	10
2.6.	Ўзбекистон Республикаси Президентининг 2019 йил 16 сентябрдаги “Енгил саноатни янада ривожлантириш ва тайёр маҳсулотлар ишлаб чиқаришни рағбатлантириш чора-тадбирлари тўғрисида” ПҚ-4453-сон Қарори 6-банди тўртинчи хатбошиси	10
2.7.	Ўзбекистон Республикаси Президентининг 2020 йил 6 мартдаги ПҚ-4634-сонли “Ғалла етиштириш ва сотишда эркин рақобатни таъминлайдиган бозор тамойилларини жорий этиш тўғрисида” қарори талаблари бузилиши	10
2.8	“Метрология тўғрисида”ги Ўзбекистон Республикаси Қонунига ўзгартиш ва қўшимчалар киритиш ҳақидаги 07.04.2020 йилдаги ЎРҚ-641-сон Қонуни талаблари бузилиши	5
2.9	Вазирлар Маҳкамасининг 20.05.2020 йилдаги 312-сон қарори билан тасдиқланган “Ғалла етиштирувчи хўжаликлар ва корхоналардан сотиб олинadиган донни сақлаш соҳасидаги айрим норматив-ҳукукий ҳужжатларни тасдиқлаш тўғрисида” Низом талаблари бузилиши	5
2.10	Ўзбекистон Республикаси Президентининг 02.06.2021 йилдаги “Техник жиҳатдан тартибга солиш соҳасида давлат бошқарувини тубдан такомиллаштириш тўғрисида” ПФ-6240-сон Фармони талаблари бузилиши	10
2.11	Ўзбекистон Республикаси Президентининг 15.11.2021 йилдаги ПҚ-10-сонли “Ғалла етиштириш ва сотишда эркин рақобатни таъминлайдиган бозор тамойилларини жорий этиш тўғрисида” қарори талаблари бузилиши	10
3	Қишлоқ хўжалигига мўлжалланган сув ресурсларидан фойдаланишига оид қонун ҳужжатлари бўйича.	100
3.1.	Сув ва сувдан фойдаланиш тўғрисидаги қонун ҳужжатлари талаблари бузилиши	20
3.2.	Вазирлар Маҳкамасининг 19.03.2013 йилдаги 82-сонли қарор билан тасдиқланган “Ўзбекистон Республикасида сувдан фойдаланиш ва сув истеъмоли тартиби тўғрисида”ги низом талаблари бузилиши	20
3.3.	Вазирлар Маҳкамасининг 3.04.2021 йилдаги 174-сонли қарор билан тасдиқланган “Сувдан фойдаланиш ва сув истеъмолида сув ресурсларининг ҳисоби ва ҳисоботини ҳамда мониторингини юритиш тартиби тўғрисида”ги низом талаблари бузилиши	20
3.4.	Вазирлар Маҳкамасининг 23.02.2021 йилдаги 95-сонли “Қишлоқ хўжалиги ишлаб чиқарувчиларининг сувни тежайдиган суғориш технологияларини жорий этиш бўйича харажатларининг бир қисmini қоплаш чора-тадбирлари тўғрисида”ги қарори талаблари бузилиши	10

3.5.	Вазирлар Маҳкамасининг 31.03.2018 йилдаги 255-сонли “Табиатдан фойдаланиш соҳасида давлат хизматлари кўрсатишнинг айрим маъмурий регламентларини тасдиқлаш тўғрисида”ги қарори талаблари бузилиши	10
3.6.	Вазирлар Маҳкамасининг 11.12.2019 йилдаги 981-сонли қарор билан тасдиқланган “Ўзбекистон Республикаси ҳудудидаги сув объектларининг сувни муҳофаза қилиш ва санитария-муҳофаза зоналарини белгилаш тартиби тўғрисида”ги низом талаблари бузилиши	10
3.7.	Вазирлар Маҳкамасининг 8.04.2021 йилдаги 190-сонли “Қишлоқ хўжалигига мўлжалланган ерларнинг шўрини ювиш ишларини ташкил этиш бўйича қўшимча чора-тадбирлар тўғрисида”ги қарори талаблари бузилиши	10
4	Қишлоқ хўжалигида агротехник тадбирлар ўтказилишига оид қонун ҳужжатлари бўйича.	70
4.1	Ўзбекистон Республикасининг «Фермер хўжалиги тўғрисида»ги Қонун ҳужжатлари талаблари бузилиши	15
4.2	Ўзбекистон Республикаси Президентининг 15.11.2021 йилдаги “Ғалла етиштириш ва сотишда эркин рақобатни таъминлайдиган бозор тамойилларини жорий этиш тўғрисида”ги ПҚ-10-сонли қарори талабларини бузулиши	15
4.3	Ўзбекистон Республикаси Президентининг 28.01.2022 йилдаги “Қишлоқ хўжалиги экинлари уруғчилигини янада ривожлантириш бўйича қўшимча чора-тадбирлар тўғрисида”ги 106-сонли Қарорининг 6-банди билан тасдиқланган “Республикада 2022-2025 йилларда янги навлар майдонларини кенгайтириш ҳисобига пахта ҳосилдорлигини 50 центнерга, бошоқли дон экинлари ҳосилдорлигини 90 центнерга етказиш бўйича чора-тадбирлар дастури”нинг талабларини бузилиши	15
4.4	Вазирлар Маҳкамасининг 12.07.2019 йилги 575-сон “Ўзбекистон Республикаси вазирлар маҳкамаси ҳузуридаги агросаноат мажмуи устидан назорат қилиш инспекцияси фаолиятини тартибга солувчи норматив-ҳуқуқий ҳужжатларни тасдиқлаш тўғрисида”ги қарори талаблари бузилиши	10
4.5	Ўзбекистон Республикаси Вазирлар Маҳкамасининг 24.08.2020 йилдаги 505-сонли қарори билан тасдиқланган “Қишлоқ хўжалик экинларини оқилона жойлаштириш тартиби тўғрисидаги Низом”и талаблари бузилиши	15
5	Техника ҳолатини назорат қилишга оид қонун ҳужжатлари бўйича.	100
5.1	Ўзбекистон Республикасининг “Йўл ҳаракати хавфсизлиги тўғрисида”ги қонуни талаблари бузилиши	10
5.2	Ўзбекистон Республикаси Президентининг 27.06.2020 йилдаги ПҚ-4760-сон “Қишлоқ хўжалиги ва мелиорация техникаларини синаш ва сертификатлаш тизимини такомиллаштириш чора-тадбирлари тўғрисида”ги қарори талабларининг бузилиши	10
5.3	Вазирлар Маҳкамасининг 12.07.2019 йилги 575-сон “Ўзбекистон Республикаси вазирлар маҳкамаси ҳузуридаги агросаноат мажмуи устидан назорат қилиш инспекцияси фаолиятини тартибга солувчи норматив-ҳуқуқий ҳужжатларни тасдиқлаш тўғрисида”ги қарори талаблари бузилиши	10
5.4	Вазирлар Маҳкамасининг 17.04.2019 йилдаги 325-сон “Қишлоқ хўжалиги, мелиорация ва йўл-қурилиш техникаларидан фойдаланишни такомиллаштириш чора-тадбирлари тўғрисида”ги қарори талаблари бузилиши	50
5.5	Вазирлар Маҳкамасининг 18.03.2016 йилдаги 80-сон “Қишлоқ хўжалиги техникалари конструкциясининг хавфсизлиги тўғрисидаги умумий техник регламент”и тўғрисидаги қарори талаблари бузилиши	10
5.6	Адлия вазирлигида 29.08.2004 йилда 1401-рақам билан рўйхатга олинган “Асосий воситаларни балансдан чиқариш тартиби тўғрисида”ги низом талаблари бузилиши	5
5.7	ГОСТ-7751-2009 давлатлараро “Қишлоқ хўжалигида фойдаланиладиган техникаларни сақлаш Қоидаси” талаблари бузилиши	5

6	Чорвачиликда наслчилиликка онд қонун ҳужжатлари бўйича.	100
6.1	Наслчилилик тўғрисидаги қонун ҳужжатлари талаблари бузилиши	60
6.2	Вазирлар Маҳкамасининг 08.09.2014 йилдаги 252-сонли қарори билан тасдиқланган “Наслли маҳсулотни (материални) экспорт ва импорт қилиш тартиби тўғрисида”ги низом талаблари бузилиши	11
6.3	Вазирлар Маҳкамасининг 22.09.2017 йилдаги 748-сонли қарори билан тасдиқланган “Ҳайвонларни идентификация қилиш, уларни ҳисобга олиш, ҳисобдан чиқариш ва сақлаш тартиби тўғрисида”ги низом талаблари бузилиши	6
6.4	Вазирлар Маҳкамасининг 19.02.2020 йилдаги 100-сонли қарори билан тасдиқланган “Наслчилилик хўжаликлари мақомини бериш тартиби тўғрисида”ги низом талаблари бузилиши	6
6.5	Вазирлар Маҳкамасининг 12.05.2020 йилдаги 280-сонли қарори билан тасдиқланган “2020-2022 йилларда хорижий давлатлардан импорт қилинган наслдор қорамол, қўй ва эчкиларни сотиб олган хўжаликларга ҳамда республикада наслдор қорамолларни етиштирадиган наслчилилик хўжаликларига субсидия бериш тартиби тўғрисида”ги низом талаблари бузилиши	5
6.6	Вазирлар Маҳкамасининг 12.07.2021 йилдаги 434-сонли қарори билан тасдиқланган “Чорвачилик, паррандачилик ва балиқчилик хўжаликларига улар томонидан етиштирилган ва сотилган маҳсулотлар учун субсидия ажратиш тартиби тўғрисида”ги низом талаблари бузилиши	5
6.7	Вазирлар Маҳкамасининг 15.03.2021 йилдаги 135-сонли “Ички истеъмол бозорини асосий турдаги озиқ-овқат маҳсулотлари билан кафолатли таъминлашга доир қўшимча чора-тадбирлар тўғрисида” қарори талаблари бузилиши	7